



Finansira Evropska unija

infohouse

Udruženje građana
BUDUĆNOST

Implementiraju Fondacija INFOHOUSE i UG "Budućnost"


EKONOMSKE I SOCIJALNE PRILIKE KA NEZAVISNOSTI ŽENA, ŽRTAVA NASILJA U PORODICI

Smjernice za sub-grantove



Sadržaj

1. Uvod	3
1.1. O Projektu.....	3
2. Smjernice za apliciranje za dodjelu bespovratnih sredstava.....	4
2.1. Cilj Smjernica	4
2.2. Očekivani rezultati podgrantova	4
2.3. Ko se može prijaviti	4
2.4. Vrste aktivnosti koje mogu biti podržane	4
2.5. Dostupna budžetska sredstva i visina idividualnog granta	5
2.6. Vremenski okvir biznis ideje.....	5
2.7. Prihvatljivi i neprihvatljivi troškovi	5
3. Kako aplicirati	5
3.1. Proces apliciranja.....	5
3.2. Aplikacioni paket	5
3.3. Kako popuniti prijavne formulare	6
3.4. Informaciona podrška	6
3.5. Gdje i kako podnijeti zahtjev	6
4. Kriteriji za ocjenjivanje aplikacije	7
5. Vidljivost	7
6. Indikativni raspored.....	8



1. Uvod

1.1. O Projektu

Projekat „**Ekonomске i socijalne prilike ka nezavisnosti žena, žrtava nasilja u porodici**“ implementira Fondacija „Infohouse“ u saradnji s partnerom Udruženje „Budućnost“ iz Modriče, a finansira Evropska unija u okviru programa European Instrument for Democracy and Human Rights (EIDHR).

Opšti cilj: je nadograditi postojeću zaštitu žena žrtava porodičnog nasilja u skloništima (sigurnim kućama) u BiH od sigurnog okruženja i psiho-socijalne podrške do razine na kojoj će te ranjive žene dobiti priliku da povećaju svoje poslovne vještine i čak započnu svoju ekonomsku aktivnost, kao mehanizam za samozapošljavanje i izbjegavanje povratka počiniteljima nasilja nakon napuštanja skloništa, zbog nedostatka drugih mogućnosti.


Specifični cilj: kroz projekat će, između ostalih segmenata, biti omogućena izgradnja kapaciteta, podrška malim grantovima i mentorstvo (od strane uspješnih/iskusnih poslovnih osoba) ženama žrtvama nasilja u njihovom pokušaju da poboljšaju svoju finansijsku neovisnost od nasilnika i na taj način vježbaju njihova ekonomska i socijalna prava kao i ravnopravnost spolova.

Putem projekta će se nastojati ostvariti saradnja sa relevantnim ministarstvima i institucijama, centrima za socijalni rad, lokalnim kompanijama, policijskim stanicama i medijima, a u cilju postizanja većeg efekta projekta. Svi koji mogu osnažiti žene da prekinu krug nasilja i postanu neovisne, iznimno su važni partneri i na takvoj suradnji će Fondacija INFOHOUSE i UG „Budućnost“ Modriča maksimalno insistirati.

Statistike ukazuju na činjenicu da je svaka peta žena u BiH imala doticaja sa nekom vrstom partnerskog nasilja, a ipak samo njih 5,5% kontaktira odgovarajuću instituciju i zatraži adekvatnu pomoć. Pandemija Korona virusa dodatno je pogoršala situaciju, s obzirom na činjenicu da se prema informacijama sigurnih kuća broj poziva na SOS telefone povećao za 20%. Duboko ukorijenjen patrijarhat i tradicionalizam u bh. društvu ograničavaju žene da se bore za sebe i svoja prava, i sa ekonomske strane gledišta postanu zemljoposjednice i/ili voditeljice kućnog biznisa. Također, statistika sigurnih kuća u BiH (8 ih je ukupno u BiH) pokazuje da žene žrtve nasilja, koje bježe od nasilnika, dolaze iz porodica sa niskim prihodima i nedovoljno su obrazovane, a samim tim i bez mogućnosti zaposlenja.

Ta ekonomska ovisnost osnova je koja pogoršava sve druge oblike nasilja i vrlo često čini ženu taocem nasilnika. Shodno tome, žene iz skloništa uglavnom nemaju drugog izbora nego vratiti se u svoje domove odakle su ranije pobjegle, pa se fizičko i ekonomsko nasilje nad njima nastavlja. Ekonomsko nasilje nad ženama i dalje je skrivena kategorija rodno zasnovanog nasilja. Ovim projektom se direktno doprinosi borbi protiv rodno zasnovanog nasilja i rješavanju pitanja vezanih za nezaposlenost i ekonomsku ovisnost žena žrtava nasilja.

Pomozimo ženama da se osnaže, pronađu poslovne prilike, i postanu ekonomski nezavisne!



2. Smjernice za apliciranje za dodjelu bespovratnih sredstava

2.1. Cilj Smjernica

Cilj ovih smjernica je davanje jasnog uputstva kako ispravno popuniti i dostaviti aplikaciju u okviru javnog poziva za dodjelu podgrantova (subgrantova) ženama, žrtvama nasilja, a u okviru projekta „*Ekonomске i socijalne prilike ka nezavisnosti žena, žrtava nasilja u porodici*“ finansiranog od strane Evropske unije.

2.1.1. Cilj sub-grantova

Cilj dodjele grantova jeste ekonomski osnažiti žene žrtve nasilja prema ekonomskoj nezavisnosti.

2.2. Očekivani rezultati podgrantova

- izgrađeno sigurno okruženje za žene, žrtve nasilja u porodici,
- povećanje nivoa poslovnih vještina i osiguranje ekonomski neovisne žene, žrtve nasilja u porodici,
- osnivanje novoregistriranih mikro i malih preduzeća / obrta uz stručnu podršku i mentorstvo,
- podizanje svijesti o osobnim kvalitetama korisnica.

2.3. Ko se može prijaviti

Poziv je otvoren za sve žene, žrtve nasilja u porodici. Kriterijumi za kvalifikaciju podnosioca prijedloga su sljedeći:

1. žene, žrtve nasilja u porodici (VoV), kao takve moraju biti registrovane u relevantnoj instituciji,
2. radnosposobne žene u skladu sa Zakonom o radu Federacije BiH (“Službene novine Federacije BiH”, broj: 26/16 i 89/18) i Zakonom o radu Republike Srpske („Službeni glasnik Republike Srpske“, broj: 1/16 i 66/2018).

Lista pratećih dokumenata:

- Uvjerenje o prebivalištu (CIPS),
- Izjava od JU Službe za zapošljavanje (Biro) da je nezaposlena,
- Dokaz da je žrtva nasilja u porodici, dokument izdat od relevantne institucije,
- Izvod iz katastra ili dokaz o korištenju zemljišta, za biznis ideje koje se odnose na poljoprivredne aktivnosti.

2.4. Vrste aktivnosti koje mogu biti podržane

- aktivnosti koje imaju za cilj osnaživanje žena, žrtava nasilja u porodici kroz mehanizam za samozapošljavanje:

1. nabavka opreme, repromaterijala,
2. nabavka stoke, peradi,
3. nabavka sadnica,
4. usavršavanje/dodatno obrazovanje (certificirani kursevi, prekvalifikacija,..)
5. registracija mikropreduzeća/obrta,
6. izrada promotivnog materijala, dizajn pakovanja, medijske promocije...
7. i druge aktivnosti koje nisu obuhvaćene gore navedenim kategorijama, u cilju ostvarenja osnovne svrhe poziva.

2.5. Dostupna budžetska sredstva i visina individualnog granta

U okviru odobrenog budžeta Projekta osigurana su grant sredstva u ukupnom iznosu od 45.000,00 € ili 88.012,35 KM. Vrijednost jednog subgranta koji će biti dodijeljen u okviru ovog poziva je od 3.000 € do 5.000 € (5.867,49 KM do 9.779,15 KM).

Aplikacije mogu biti individualne ili grupne.

2.6. Vremenski okvir biznis ideje

Vremenski okvir realizacije biznis ideje je: 12-18 mjeseci.

2.7. Prihvatljivi i neprihvatljivi troškovi

Prihvatljivi troškovi

- Troškovi nabavke opreme, materijala i sirovina,
- Putovanja i smještaj: putni troškovi i dnevnice¹ koji su vezani za biznis ideju (sajam, itd.),
- Troškovi režije (struja, grijanje, telefon, zakup prostora, itd.)
- Usluge/servisi,
- Ostali troškovi (bilo koji drugi troškovi koji nisu obuhvaćeni kategorijama navedenim iznad, a koji su neophodni za sprovođenje biznis ideje).

Neprihvatljivi troškovi

- Dugovi i troškovi servisiranja dugova (kamate),
- Troškovi koje je korisnik prijavio i koji se finansiraju u okviru neke druge aktivnosti ili programa za koji je dodijeljen grant Evropske unije ili nekog drugog donatora,
- Kupovina zemljišta ili zgrada,
- Nabavka/ustupanje opreme, materijala i sirovina trećim licima,
- Rezervisanja za gubitke, dugove ili potencijalne obaveze.

3. Kako aplicirati

3.1. Proces apliciranja

Proces apliciranja je sastavljen od jedne faze koja podrazumijeva predaju, evaluaciju i proces odabira potpunih prijedloga biznis ideja. Potpuni prijedlozi biznis ideja će biti ispitani na osnovu njihove administrativne kompletiranosti i ispunjenosti uslova, a njihov kvalitet biće procijenjen u odnosu na zadate kriterijume.

3.2. Aplikacioni paket

Aplikacioni paket sadrži:

1. Poziv za podnošenje prijedloga biznis ideja,
2. Smjernice za podnosiocice prijedloga biznis ideja,
3. Prijavni formular za podnošenje potpunih prijedloga biznis ideja
 - Opis biznis ideje (Word)
 - Budžet (Word)
5. Nacrt ugovora za dodjelu granta (informativnog karaktera),
6. Nacrt formulara za podnošenje izvještaja (informativnog karaktera).

¹ Naknade za putne troškove će se obračunavati u skladu sa Uredbom o naknadama troškova za službena putovanja ("Službene novine Federacije BiH", broj: 63/10, 09/11 i 80/11) FBiH i Uredbom o naknadama troškova za službena putovanja u zemlji i inostranstvu za zaposlene u javnom sektoru Republike Srpske („Službeni glasnik Republike Srpske“, broj: 73/10).

3.3. Kako popuniti prijavne formulare

Generalne smjernice

Prijavni formulari već uključuju osnovne instrukcije o popunjavanju traženih podataka.

Vodite računa da prilikom popunjavanja formulara, dajete jasne i koncizne odgovore na sva pitanja.

Fokusirajte se na konkretnu situaciju, probleme i potrebe za realizaciju Vaše biznis ideje koju planirate realizovati. Postarajte se da ciljevi i aktivnosti vaše biznis ideje doprinose očekivanim rezultatima ovog poziva za dodjelu malih podgrantova.

Priprema prijedloga biznis ideje

Formular za opis biznis ideje

Molimo vas, postarajte se da dostavite sve relevantne informacije u aplikaciji u opisu biznis ideje. Obratite pažnju na definisanje **glavnih elemenata vašeg prijedloga biznis ideje**.

Formular budžeta

Molimo vas da popunite formular za budžet. Postarajte se da se aktivnosti navedene u opisu prijedloga biznis ideje adekvatno oslikavaju u budžetu.

3.4. Informaciona podrška

Pitanja i odgovori

Podnosioci prijedloga biznis ideja mogu tražiti dodatne informacije o Pozivu za podnošenje aplikacije za dodjelu podgrantova svakim radnim danom, pisanim putem do 31. augusta 2021. godine, slanjem upita na e-mailove: infohouse@infohouse.ba i buducnostmd@yahoo.com i/ili na sljedeće telefone: +38733200538; +38753820700.

Aplikacioni obrasci, informativni materijal, uključujući i prezentaciju o postpku ispunjavanja aplikacioni formulara, biće dostupni na <https://infohouse.ba/> i www.buducnost-md.org.

3.5. Gdje i kako podnijeti zahtjev

Prijedloge projekata možete:

poslati poštom, na adresu Fondacije INFOHOUSE, Valtera Perića 16., Sarajevo,

e-mailom na adrese: infohouse@infohouse.ba i buducnostmd@yahoo.com

ili direktno u jednu od sigurnih kuću u Bosni i Hercegovini.

Rok za predaju prijedloga biznis ideje je **31. august 2021. godine do 23:59h**.

4. Kriteriji za ocjenjivanje aplikacije

Zadatak	Maksimalni rezultat
RELEVANTNOST	20
Koliko je prijedlog biznis ideje relevantan za ciljeve i prioritete iz Poziva za aplikacije, biznisom do nezavisnosti? Da li očekivani rezultati prijedloga biznis ideje odgovaraju onim navedenim u Pozivu za podnošenje prijedloga biznis ideje?	15
Da li je prijedlogom projekta obuhvaćeno i identificiranje tržišta/ciljne grupe za svoju biznis ideju ?	5
USKLAĐENOST DIZAJNA PROJEKTA	20
Koliko je usklađena cjelokupna koncepcija biznis ideje? Vode li aktivnosti do očekivanih rezultata i učinaka? Koliko su oni realni i izvodljivi projektni ciljevi?	10
Da li su očekivani rezultati i učinci prikladni i korisni za ciljne grupe i krajnje korisnike? Da li su aktivnosti, očekivani rezultati i učinci realni i izvodljivi?	10
KVALITET PLANA RADA	40
Da li su dobro definisane i kvantifikovane aktivnosti biznis ideje, njihovi rezultati i učinci? Koliko su prikladni i izvodljivi? Da li je vremenski okvir realističan?	20
Da li su ciljne grupe i krajnji korisnici na dobar način uključeni u aktivnosti? Kolika je vjerovatnoća da će uživati benefite projekta?	10
Da li je i u kojoj mjeri predviđena promocija biznis ideja u javnosti ?	10
BUDŽET I EFIKASNOST TROŠKOVA	10
Da li su predložene aktivnosti adekvatno izražene u budžetu? Da li je odnos između procijenjenih troškova i očekivanih rezultata i učinaka zadovoljavajući?	10
EDUKACIJSKI MODULI	10
Da li je podnositeljica prijedloga biznis ideje završila trening ciklus „Biznisom do nezavisnosti: obuka za pisanje aplikacije za poslovnu ideju“ za žene, žrtve nasilja u porodici ?	10
Ukupno	100

Prijedlozi projekta koji dobiju najmanje 75 bodova će biti uzeti u razmatranje za dodjelu grantova. Konačne odluke o dodjeli grantova će donijeti Odbor za evaluaciju projekta.

5. Vidljivost

Partneri na projektu „*Ekonomске i socijalne prilike ka nezavisnosti žena, žrtava nasilja u porodici*“ zadržavaju pravo da objave proizvode koji su rezultat ovog projekta u dijelovima, u cjelosti ili kao referencu na svojoj internet stranici ili u svojim publikacijama uz poštovanje pravila o autorskim pravima. Ugovori s dobitnicima grantova će sadržati konkretne uslove autorskih prava i navođenja donatora projekta. Dobitnik podgranta će se pobrinuti da se u svim materijalima izrađenim u vezi s projektom oda dužno priznanje za podršku koju projektu daje Evropska unija, a u skladu sa smjernicama na linku: http://europa.ba/wp-content/uploads/2018/01/communication-visibility-requirements-2018_en.pdf.

6. Indikativni raspored

Datumi u ovoj tabeli su načelni. Ukoliko po Pozivu za dodjelu podgrantova pristigne veliki broj prijedloga biznis ideja, biće potrebno više vremena za proces evaluacije i odabira pristiglih prijedloga.

Korak/Aktivnost	Datum	Sat
Objava poziva za podnošenje aplikacije	09. juli 2021.	
Rok za važenje eventualnih pojašnjenja putem e-maila ili telefonom	31. august 2021.	
Rok za podnošenje prijedloga biznis ideje	31. august 2021.	
Informacije o rezultatima administrativne provjere i provjere ispunjenosti uslova	Kraj septembra 2021	
Obavještenje o rezultatima	Kraj septembra 2021	
Potpisivanje ugovora	Oktobar 2021	

7. ANEKSI

Aneks A –Aplikaciona forma

